

新壘多故人少野祭蕭蕭上蒲荒草十年重到故鄉山
前日兒童冠佩好我時引鏡還自憐五十衰翁能不
老正須万事聽天公不用時晴生熱惱流行坎止即
吾師試看古人誰盡了

蕩樽歌

海屋兩間勢雄尊地維火荒足怪珍春雷奮蟄地軸
裂氣雄蕩本驚輪困雲蒸露濯玉幾圍癭異不數蒼
筴孫洞蟄杯飲變古法鬱屈斧斲蒼龍根一朝六鑿
混沌竅海潤猶帶風濤痕初疑神螺闖首髻鬟古復
評凍芋出土鴟鴞蹲坤堦古非禁酒國桂醕碧漱瀆
池春木蘭花發雪鸚嘯野飲挹彼供鯨吞江妃竊弄
山鬼看深夜嘯擲吹燈昏炎洲北走落君手孝節閱

世清而敦廣平磊落書載腹時浥妙理開清樽金壘
玉筭非我事正須一日不可無此君殷彝周固列左
右碧花繡澁腥龍紋蕩之為尊尤可人塞予蕭散嵇
劉客黃爐久為河山隔來遊都邑徒永久若戀明時
無寸策新豐樹色繞十官滿馬京塵歌偈側何時為
渠醉倒花渠眠一夢婆娑竹林國

西京王生歌

君不見西京王生一布衣游談公卿奚事為解紛畫
策作陰助顧盼勢利輕塵泥延中結襪似偃傲一語
能釋當時疑惜哉太史偶失世與諱至今義烈猶光
輝乾坤英氣初不問乃今復得是子趨人之急逾已
私襟期在有許諾重重駿足肯受黃金羈凍雲曉拂

銅駝陌雪花澹與梅爭白平明東門給事回家近沙
堤儘春色新詩吟繞錦窠香笑作平原眼中客人生
百歲駒過隙只有聲光為可惜丈夫適意杯酒間義
氣愛君多感激岷峨秀色錦江波萬斛醲薰貯胸臆
綢緞都作濟時具辦與朽株為粉飾吹噓寒律變陽
春未讓王生謀緩急君家義鶻固有歌更為樊川搖
醉筆

秋澗先生大全文集卷第七

秋澗先生大全文集卷第八

七言古詩

八侍行贈董符寶

君家大兄吾故識君家三兄乃友執遊談仰止有歲
年只有八郎初未覩八郎內時五雲深五雲宮闕何
沉此此時密邇司獻納夙夕忠謹餘月心人知掌中
金窠篆屋蟠螭重豈識兩袖中有蒼生霖霖聽民瘼
懷惻怛細至稼穡艱苦歌謠情
聖皇達聰豈有既

天語夜久何丁寧御幃香暖代鳴玉高枕安寢神遊
清翰忠往往採時弊筆諫不數公權誠君不見西漢
元封神爵間兩朝貴幸張金與長楊蓮句滿宮館正

銅駝陌雪花澹與梅爭白平明東門給事回家近沙
堤儘春色新詩吟繞錦窠香笑作平原眼中客人生
百歲駒過隙只有聲光為可惜丈夫適意杯酒間義
氣愛君多感激岷峨秀色錦江波萬斛醲薰貯胸臆
綢緞都作濟時具辦與朽株為粉飾吹噓寒律變陽
春未讓王生謀緩急君家義鶻固有歌更為樊川搖
醉筆

秋澗先生大全文集卷第七

秋澗先生大全文集卷第八

七言古詩

八侍行贈董符寶

君家大兄吾故識君家三兄乃友執遊談仰止有歲
年只有八郎初未覩八郎內時五雲深五雲宮闕何
沉此此時密邇司獻納夙夕忠謹餘月心人知掌中
金窠篆屋蟠螭重豈識兩袖中有蒼生霖霖聽民瘼
懷惻怛細至稼穡艱苦歌謠情
聖皇達聰豈有既

天語夜久何丁寧御幃香暖代鳴玉高枕安寢神遊
清翰忠往往採時弊筆諫不數公權誠君不見西漢
元封神爵間兩朝貴幸張金與長楊蓮句滿宮館正

以世閱遊從列九卿何如董侯剛方見特立大冠修
劍明月簪日華光動鬱金袍鳴鳳翔集朝陽岑一從
通籍愈忠慤四海知有万石不為富貴之所淦書生
薄游不足惜風化正爾基周南炎蒸幽朔今一軌好
承清閑之燕請君一鼓解慍南風琴

小山行

我昔東登泰山頂直度天門歷參井十年西走華陰
東仰面蓬峰落天影岱宗坐如太華立夢寐至今猶
耿上榻來塵土客京師長往無時空自省愛山復得
馬簽書相對高談冠佩整馬卿有石寄禪疏護持擬
與經函俱中峯魁岸大人坐兩峯傍翼始若庭立而
議相承趨我因閑遊叩僧戶見之清興為起予摩挲

携去便許諾喜過中流失舟還得千金壺汲泉滌濯
扶渥滓特置槩几為膏濡君不見羅池謾作万石記
娛悅已棄荒夷嶠一拳泰岱墮吾前寸碧點出遙岑
圖博山香煖黃金爐細烟蒸潤鬪飛鳧芳菲來助怪
石供縞帶一縷山腰紆有如岫雲雨歇歸洞府變化
滅沒還須更羗予本是山澤臞澹然對之氣安舒年
來便靜百念冷今復樂此依稀仁者之徒歟山容忽
開欣我主瞑目便到秦觀吳觀之仙都茶甌去手風
生臆飄如駕天門昇月明窗影印庭柏落恍倚
秦松林地爐火熾紅艷發又似日觀坐看日出海湧
金輪孤茅齋一夕得此樂冷却案上熊蟠腹微官不
到奇章公甲乙乃有奇章之一太湖它時南歸富潤

屋不愁室無僕孥居無廬殷懃厚貺何以謝我欲贈
之雙瓊琚瓊琚雖美未足報拜贈新詩永為好

沙堤行

君不見漢家日月四百載北隆三代追唐姚絰綸帝
業顧多士規隨始自曹與蕭又不見丙與魏孝宣中
興賴宏濟侶慚變理化權衡重以文儒緣吏事羽毛
千古動雲霄黃閭清風雨無愧潭上政府中書堂朝
廷思治具畢張歷觀至元中統間諸公翱翔佐時昌
相君繼踵叅幕畫快決不數陳元康况今炎風朔雪
混一統軍國庶務何穰上朝鳴佩見獨步思波鳳
沼翻晴光小心清慎富籌策人望翕爾稱賢良房謀
古推帷幄傑匪以杜斷疇能將璣旋衡幹日方計夙

夜密勿心靡違愛君南選儘公允要使四海桃李俱
芬芳我常叩君見餘蘊選進久已歸擊囊柳陰大道
沙堤長迤邐遠並宮園傍錯金金軟襯珂馬火城前
導光煌上行人走避歎禮絕焜耀赫奕何非常相君
報國有能事澤民三代君唐虞火城沙堤誠足當况
茲三陽排疑出九地君子道長群陰亡借哉時予不
易得為君一言陳斐然蕭曹開濟固云重丙魏論思
詎可忘

羽林萬騎歌

元至丙子歲立春后三日醉入奉御宅明
日酒惡隱几坐殆不能為懷遂取通鑑閱
唐明皇帝清宮事蹟作古樂府一章號曰

羽林萬騎歌書示表弟韓從益且浮大白
數四覺酒氣拂_匕從指間出去矣其辭曰
韋娘雞晨遵墓武牝雛啄李求太女履霜得冰忽深
戒禍始房陵帝私語神龍殿前虹貫日王氣龍池濯
烟縷羽林萬騎驍且勇守捉內外生陰風羈裁文豹
虎衣炳扼腕久弗諸韋容潞州別駕眼橫電虬髯英
姿真太宗暗中結納許清禁繼以幽求立禮仙鳧忠
玄武門前聽二鼓散亂天星墮如雨平明一掃妖氛
空相王已是立真主東城瑞靄朝日鮮五三甲第臨
天淵三郎歸來龍在沼晴波翠灩終南烟開元隆平
此張本烟火萬里春熙然誰圖勇斷蛾眉劍翻作環
見並轡鞭畫家有玉環並轡圖

瑞雪歌 丁丑歲正月初六日夜作

去歲一冬無雪兩地不藏陽變恒煦就中氣運北自
南江表嚴凝比燕土今年正月日丙申我游中堂聞
好語 聖恩滂濡來九天四海包徭盡蠲取宰臣奔
走播德音雷厲風飛開萬寓油然雲葉合中天一雪
平明幾尺許建章宮闕玉崔嵬華柳蓬萊氣先吐漢
家燕南三百州千里飛章賀恩溥天人上下本一致
和氣致祥乖則異方春甫頌寬大書埃翳四開天地
閉春秋盈尺書有例太史紀言真上瑞都城十日沸
歡聲宿麥連雲見豐歲民願
聖皇千萬春長開明堂布恩惠元和老臣愛君深賀
雨詩成伸戒勵小臣今作瑞雪歌要見天心愛民意

謁蘇墳

神嵩崩騰萬馬東汝流西來橫玉虹山川秀潤不少
悴知有峨眉老仙宅其中先生立朝有大節南遊天
使完其忠冑中英氣蟠不盡餘蘊散作文章宗天章
昭回爛雲漢下探萬古英靈空前年西堂覩生生之
真像今年此山拜先生之堂封嗟予何者有此幸青
藜得照龍淵宮汝陽樓上重回首安得追逐逸駕攀
高風滌濯固陋開顓蒙公雖僵卧其猶龍

雜言送文即中子周宣慰江西道

君侯交游二十秋胷次磊落誰與儔湖海豪氣不減
百尺高卧元龍樓三年京師驄馬容搏擊快侶鷹脫
鞞郎官民部終十月持節持慰江西州堂堂提封幾

千里陽開陰闔無深幽滕王閣上洪都酒孤鷺殘霞
重回首江山滿目詠我歌一曲陽關渭城柳
聖恩柔遠思悠久化自周南同九有大司綜理固多
端急手先湏撫瘡痍四民樂業兵有制盡徹湖陂變
耕畝時驅大旆擁行軒布德揚威赴春首丈夫此時
不有為何者功名垂不朽我雖鍛翮思奮飛會把一
麾仍出守

義士姜侯歌并序

歲辛亥秋燕留守府叅謀劉坐事就死屬
其孤於友人姜君諾焉既籍沒姜為伸理
其子達官怒其僭張弓擬之姜不少懼即
裸胸以逆遂義而從其請自是姜呂義烈

聞燕趙間後折節從趙雲夢學非其義一
介不取諸人丞相史公賢之以賓客禮焉
至元丙子冬同張彥魯入燕聞姜云亡追
念往事為歎歎者久之渡易水之悲風荆
卿已去念朱家之長者今復何人爰作歌
詩庶幾紹擊筑之遺音云姜諱迪祿世燕
人子尚其字也

秦軍屬孤出鬼幽姜侯諾之無蒂留一朝赤手編虎
鬚義氣凜上橫霜秋命輕義重泰山比白羽迎射身
熊侯孤兒絮歸兔孥幾姜子拂衣無所欲朱家素擅
長者風睚眦椎埋真碌上魚紋三尺澹秋波千丈聲
華光輦轂至今燕市人嘆羨五百年来未之見張卿

說似予作歌庶激清風代君傳

趙穆篆隸歌

古人富席玕璀璨玉無玷兼善不並稱例為長所掩
予觀當塗文雄放雜淒淪一朝玉筋名餘作鋒鏑斂
是知學與才相須成琬琰六經學淵會熙緝光自燄
道藝貴自得含瑟想魯點陽水嚮匪斯文徒祗解篆
畫方園樞千言落紙極停穩一雋而後將無餘明昌
王趙稱文儒問書竹溪真起予微言提撕何理到歸
讀六經茲本歛趙即脩上姿態殊十年弄筆好古書
嚮來容燕見其作殆似蟬欲蛻殼地遺膚去冬丙歲
復入燕趙即篆學起於前我為驚懼問所以荅云近
得松岩之秘傳惜哉高君今已矣黃壤不沒蛟龍蟠

嶧碑岐鼓得遺法趙郎手追忘寢餐我因為渠概一
言書至形似真徒然行逢碧落卧其下葬塚親得中
即編胸中塵俗何由蠲正需力讀經與史他日會見
將與松岩並驅相後先

食梅子有感

穉歲食梅矜行輩並撥連揮最長喙近年羅列雖滿
前黃熟有餘聊雋味極餐不過三數枚老頰流酸牙
莫對物逐時新歲歲同人到中年凡事退潮陽南還
幸不死齒豁頭童足悲慨我今五十齒雖牢食不能
多行亦憊只有區上行志心若與公同人不逮

潛齋歌贈中山知府史子華

潛齋有志操不為浮榮污彘裘劇豪習概之詩與書

吳鉤佩錦帶寶校千金駒溢目不回顧棄如履中苴
嘗出試所學三年事徵輸衛人樂安使歲計公有餘
淵潛不自珍昭然藹芳譽不覲五載強去冬會燕都
與語覺道勝行身老諸儒神王氣骨清兩目秋鷹瞿
扣門未別我朱幘擁高車去作定州尹志意何安舒
余思潛之功於焉見容與中山物繁稱奧區燕南劇
郡此要途大兄持節官衡湖四郎按部參旗墟一門
鼎足列清要正有報國忠而叻凝香燕寢供坐嘯紅
旗鐵馬無邊虞心清事簡自多暇輕裘錦爛光鄉閭
况君才高足為治聲聞日向天朝趨書來不必諮莛
議丈八盆邊有二蘓

長慶行酬暢純甫贈元白二集

長慶詞人幾勅教名動華夷說元白拾遺樂府即諫
章相國絲綸號新格天教韓柳出全時要使詩壇開
清逸年來愛白復愛元老猷風花喜情寔圖書東壁
黯晶熒五十年来無是集有時擬賦三兩題斷簡殘
編僅佔畢暢君好書似鄴侯荷囊去躍龍驤舟臨光
醜酒參幕畫佳麗看盡東南州棄人所取取所棄青
帙万卷堆行軒蒼江夜靜虹貫月不羨克敵琳琅璆
三吳歸來巾一幅蝦蟆池頭兩椽屋足跟不踏貴人
門磊落羣書載其腹自欣滯貨潤有餘贈我兩編債
不足恍遊赤水得玄珠笑入荆巖抱和玉脩上庭竹
北窗風准備殘年需贖腹

虎牢関行

至元二年夏六月予與樞管陳
甫考試洛陽東還汴京道出

其下

鞏原北望河洛郊嵩却東走脊尾高憶初洪水勢方
割湯匕北滙深淵壞千年水去西崖出天險東阨開
成臯中原失鹿在所逐河山戰氣秋蕭騷當年劉項
儘勦敵阮生猶為嘆非豪竇王倚角更可笑如蛾赴
燎其能逃秋烟古戍深黃蒿狐狸夜上関頭嗥空餘
千古荒城路翰與行人說爾曹

送齊彥簽事湖南

廣平一生真相業老坐朝堂振孤節理明有守見不
疑萬事全來能勇決我游洛師此廬龍嗣侯共事多
相從文章翰墨有定價落匕真有先相之遺風今年
白麻拜新寵去去按部江西東朝廷妙選正有謂雅

志不負温郎馳江南綠水天四圍秋風吹野百草腓
煩君華岳峯尖舉着眼飛翔覽德輝

商鼎歌 并序

燕士張君文季讀書不求官治生不務富稍有贏餘
即購求古器畫為事故其家藏三代已來鼎彝敦卣
及前賢法書名畫甚富素負藻識遇夫竒妙不惜資
貨期於必得既得之後傳官借玩初不吝惜暇則明
憲樂几展師陳列迺沾^匕而喜曰古人不作古意尚
在三代之英精諸賢之純粹今吾何修一朝盡得而
有之其稽古尚友之誠靜觀適懷之樂於斯時也中
心充實意得所寓回視晉楚之富趙孟之貴不啻如
雲烟之過目遇佳客踵門焚香煮茗盡發秘藏為序

說家數評^{其論}優劣雍容文雅有都城故家風味於足
稱也仙露寺僧寶藏商鼎有年不惜百金易而得之
愛玩不足復求館閣諸名勝詩詠喜為序其平生澹
癖仍其古調歌之其辭曰

維商賢君六七作禮重烝嘗制於鑠只緣近古俗忠
厚象形作器窮精鑿敦彝鍾鼎賜臣工重比謚贈縻
天爵當時文獻不足徵故家餘俗歸寥索蒼銅不逐
太社凶千古流傳誇灑噩供佛牀頭夜壑深物歸所
好得真托張君嵇古負精識入手摩挲三嘆息兩耳
高撐足拱三六乳附觚何的歷饕饕繞腹雜雷紋紫
翠英^匕帳猶濕細觀欵識商父丁崑玉南金非所惜
平生澹癖心不足此日大嚼情暢適模形遠紹考古

圖茨揮假手詞人筆君不見當年莘叟負謁湯高宗
彤祭雉雒鬲黃金塗耳玉鉉光此事傳聞已陳迹一
朝况墮三毫間神明之器今日擊或裊沉烟讀誥盤
或挹殷谿煮巖石尚友直探三代英平生閱古心方畢
歸夢謠丁丑歲九月二十三日夜夢陳總
管作時為浙東宣慰使十二月二十日密
縣王縣尹至知公於九月七日為越之玉

山賊所害

五更歸夢東南長越州城府山蒼上我遊不省夢中
客浮雲樓觀爭翱翔節齋枉駕來就見上廉遙喜瞻
清光倒衣走欲降堦接陳公出避朱門傍斯須往謂
登西堂要話久別傾肝腸我公不之見蕃師滿禪床

卉服黉結古碧眼湏眉龐爭先問訊展恭恪青松亂
踏天花香就中老沙弥合爪伸圓吭向予致呪語陰
福來穰上思公固覲對佛子坐久心思方彷徨兼來
促起公召汝導我前往穿行廊追奔接踵歛不見如
瞽失相徒俚上平頭闖首告前路終惑所往心為狂
惘然推枕若有喪但看落月滿屋梁我思與君別屈
指一載加相思葉黃江水碧神交日夜心曾邀自春
徂秋三入夢似恨海角天之涯吹燈信筆成詩句病
眼溪藤亂紫花時病新愈又暗用
樂天元九紫藤花

日蝕詩

至元十四載維龍集丁丑孟冬丙辰朔詰旦陰風吼
朝家有移告日蝕百司守伐鼓幣用社庶嗇閔奔走

南宮老仙雲山圖

米襄陽筆應奉李受益藏

南宮玉堂春晝晴
瑣窓霧垂幽思清
先生胸次幾丘壑
淡墨落紙詩無聲
白雲滅沒春山碧
万木淋漓元氣濕
風煙自昔鹿門深
似愛龐公不浪出
襄陽雲卧思怡悅
不為濃纖爭巧拙
虛堂生白定何如
玉氣柱空虹貫月

盧仲傑送所逸東萊集二帙

盧卿贈我東萊編
偶逸二帙心茫然
朝來覓送舞有似
合浦珠還蠟要書
不必三萬軸
挿架所貴皆成全
風軒雉校忘午寢
一讀三嘆鏗朱絃
每逢佳處時再歎
不惜兩眼遮昏煙
就中細味官箴作
覺我踈愚性最便

簽院趙公許惠歐蘇集作詩以問之

平生性癖耽墳籍
細字牛毛早年筆
只今五十眼昏花
清晝看時滿行墨
投身散地百無事
不著書遮如有失
趙公嗜書似鄴侯
不為章句非雕搜
綰持樞紐日多暇
借箸自有胸中籌
更尋往事較所處
有夢不到琳琅瓊
嗟余何者登瀛洲
殘膏未免窺前脩
大淵然澗海鮫鰐翦
洞視千古蘇韓歐
文如不作作取法
捨是三子將誰求
窮閭雖具何足玩
破碎重黑支吟頭
牙籤挿架三万軸
誰雀浙本鋪銀鈎
或蘇或歐兩俱可
勿使石壁成空投
仁存義舉侯門事
却恐乘機似巧偷

仁存義舉用史記侯之門仁義存石壁見管子

涇陽鎮中秋贈馬

去年中秋客燕山把酒望月空雲烟今秋此夕涇陽
鎮六合一鏡懸青天乾坤軒豁開真境萬籟無聲露
華冷京居多華賞心違長路無家此清景須知世事
皆偶然賸却私憂胸刺梗同行喜得馬少遊月下一
樽還對影愛君才氣白眉良攬轡澄清知所省豈冠
自古出儒冠老宦何為隨露警人生幾度中秋月不
學羣兒欲圓缺舉杯醉月月應聞安得玄霜變華髮
追逐諸君昌晚節

小邊行一百五日同摠尹張彥亨赴小邊

口相視河流回馬上偶作此詩

北趨小邊相河害坐看長堤驚裂壤中流忽起劉子
歎疏濬神功思禹大憶當殘金竟河界兩涯峽束如

縈帶靈鼉萬鼓動地來洶上聲聞千步外堤防不議
四十年河行虛壤任徙遷乃今去京無一舍衝波南
卧翻鯨鱸今年築堤捍滄水明年捲掃防洄淵濤頭
况與酸棗直南北高下尤相懸既非經瀆久遠計徒
費民力妨農田正有避移簡上聞放之曠野從奔衝
不然建議以土湮大堤縷水橫西東楫以木石東逾
鐘迤河東去過京角此是永逸無窮功作詩擬達宣
房宮

夢陳節齋

至元十六年己卯寒食夜卧開封後堂

夢節齋陳公既覺呼童吹燈信筆賦此

追憶往事令人短氣書示正甫敬甫二

君子同為一慨也

花枝入簾春夢香遊絲翻空清晝長今年寒食客梁
苑追憶往事心彷徨前年考試登斯堂陳侯館子羅
酒漿拊床高詠逸興發不覺燈前大雨聲淋浪生平
胸臆向予盡使我肝膽爭開張重來物是人不復夜
夢見之晝微茫誰期此會乃死別剗血不滅吳雲蒼
攬衣起行步落月梅影滿庭空斷腸

信陵公子行與西溪同遊

春風獵獵吹輕裘聯鑣來作夷門遊令人遠憶魏公
子徑上吹臺上頭却秦存趙震九土誰意抱閔老
吏能此帷幄之良籌飢腸自古出奇策功成何害屠
沽流高皇布衣重公賢大留城邊幾遲回一朝龍驤

開漢業舉功不復詢來由豈非慕蘭承餘休嘗讀太
史公今日把酒酌墓周當日朱門滿歌舞此時野草
荒山丘醉歌信陵行碧雲日暮寫我憂英雄割據雖
已矣高義凜凜橫清秋追攀逸駕那復得落日倚鋤
看神州

題子猷迴舟圖

勾吳四時無正天盛夏之月猶春妍朝來一雪天地
白田父適喜爭狂顛宜其佳客逸思發乘興徑上山
陰舡煩襟囂慮一洗為瀟然江東名流說戴逵高談
禮法殷春雷子猷恐是虛華士竟棹空舟夜半回

山陽早蒺

踈星綴空殘月烟我行早蒺山陽境太行九月未黃

落一片秋光蕩林影愛山竟作三日留心下快活還
自省江山登覽幾能度素髮飄蕭已垂領愧無明略
濟清時性蹇才堪卧雲嶺長疑造物若倒顛馬使守
閭車拄鼎十年欲作百崑游此度徑來猶事梗勒回
俗駕似有意未許崑畊遂幽屏醉臺劍沼兩寂莫夢
寐賞心終耿耿馬頭回首望山門白雲抹盡青山頂

雄狐行

黃蒿古城狐晝行窟宅深固通精靈群狸闖首潛助
勢跳煙嘯月妖腰輕社翁不神名則在將假其柄先
憑陵西隣有田奪已饜東家有羊頤指烹乘機侵刻
恣所欲草棘蔽翳無由鷹老罷惑媚過不睨飢為噤
啄寒無聲我雖老鷲爪距禿一擊欲示終身懲遽然
脫去成漏網固厚其毒羣心驚眼中雉兔盡何益使
我悌鬱難為情斂翻坐覺秋風生

月老招飲

禪師慰我從事勞臨臯置酒來相邀西軒雖小面流
水柳塘風物春飄瀟觥船一棹入法海照眼孤月翻
雲濤旣逢方外對佳景不飲亦復心陶上况師有酒
藏已久快吸儘足供鯨鼈張侯引吭歌未闌嘉甫抗
首贖其騷杜卿尚子噪于側冠佩倒落軒湏毛僧云
劉君更開爽惜不同醉持霜螯連揮大白不知數醉
眼四顧天為高出門乘馬復班如壘酌已罄猶飄操
一聲隣笛起落日追憶往昔懷英髦陵川已矣九帥
死此樂無復爭禪逃眼中文武驚墜地悲風為我從

空號予雖老驥志有在為國涕下沾絳袍陌頭柳色
春向晚南塘碧水深幾箇簡書有程促又去悠上離
思懸千旄醒來信筆紀其事雅集難再誇吾曹阿師
深藏莫輕示政恐見哂螟蛉豪

望黃金臺歌

君不見孔子修春秋二百四十有二年燕人歎血統
一見下逮戰國尤茫然維南聲教耻不與苦羨齊魯
多英賢黃金不惜築此臺當眼何限郭隗材政緣市
駿售其骨雲烟轉盼龍媒來古稱得士國無小甘棠
世業如天開悲風瀟上易水暮往事不復令人哀昭
王之名傳永世黃金高臺安在哉

越雞行贈柔明憲使

君家素雞何異常來自越裳天一方又聞越溪之女
天下白臨流水照影長相將久之氣感與俱化不覺
繫上爭輝光兩足不盈握軟玉紅鱗芳孤唱有餘韻
滿喙銜風簧丹砂暈頰絳冠小雪能覆背銀絲長雅
宜宮閭催曉箭欄干五夜凝秋霜主人前年列朝行
風雲劍珮爭翱翔歸來故家對此物夜上夢到雞人
傍呼僮爰養無遠出飲啄長使居中唐深沉庭院縈
回廊離上花影翻春陽今春哺雛凡輩晴雪亂點筠
籠香我從公子偶見素苦要鄙語為相償初心玩物
物反玩戲吐綵綬信鳴吭他日雛孫求執贄不愁無
物餉韃郎

春溪小獵行

經畧史公子明春溪小獵九公子有詩以
紀其樂素予同作至元庚辰三月三日五
夜燈下走筆賦此

春風兩岸春草碧漫上溪流野鳧集花邊高塚卧麟
麒拜掃歸來見豪習一聲畫鼓警鳧飛霜鷲翻空看
橫擊離披五色墮馬前血洒平無警半濕野橋淡淡
夕陽低回風颭上溪神泣不愁歸具衆賓須紅燭金
盤快鮮食將軍往歲東西征苦竹崖傾江島赤高勳
烈上在雲臺婉戀龍姿見平昔平生得意在戰酣州
郡徒勞非我職明時政有逐禽樂醉聽清商還自適
鼻端出火耳生風夢裏弦聲聞霹靂君不見姚崇奉
詔趨新豐徑入長圍吐高策呼鷹縱犬少年事大拜

曾從指蹤得君侯逸興浩無邊老作獵師三万日帕
車過市奄新婦此事終為景宗叱自憐白髮兩眼昏
矧上窮年大立筆

君王有夢渭濱畋苦恨非熊深自惜

野兕行

東山何高與雲齊松柏蒼蔚深巖棲龍潛虎伏變巨
測野兕何者依魏羆暮學豨怒嗥朝循羆所蹊睥睨
弱者肉獵食長林麋內助陰血盛外增亮艷平龐然
非不偉椎魯初何知時時具饜餘啖羆假其威復從
群獠弄舉指甘傾危同類忌投鼠將為真得二獸之
幾微漫淫犯行路跂扈恣所為窺切乘物便大笑狸
怯狐多疑孤鷄憚弗擊林鳥噪而飛獵師厚其毒使

之自獨披一朝果投奔憔悴兩耳垂掉尾乞衆怜趨
蹠曾不如狐狸吁嗟野兕兮一懲不省為福基惴
且免行人悲

哀老殷辭

至元十七年三月二十日南詔進象過
安肅州軍戶老殷為象鼻束而死余適
覩其事乃作此辭

哀老殷平時皞皞為王氏荷戈幸不死鋒鏑胡為此
獸戕其身衰老殷賤且貧有兒十歲終解語有婦出
戶無完裙髮膚一旦委巨齒身後名在征南軍朝來
棺歛哭過市慘悲動梁臺人我聞白傳引馴象為
君諷諫何忠勤珍禽貴不畜此雖至馴安用云偉

哉樂天古良臣

憫雨行

至元十七年夏四月廿四日自東鹿縣
入深澤午憩西河鄉錄父老語車中足
成此詩時所在祈雨

旱蟲食桑桑葉無穀不出壠麥欲枯人間四月號清
潤物色憔悴幾焚如車前田畷向予說半歲無雨曾
霑濡春蚕滿箔弃欲盡鋤戶趁熟多多空廬社翁致
禱略不神眙一雨何時蘇嘗聞古人遇災惧性弊徧
走山川霄外修政務內自責念及女謁并包苴昨朝
冠蓋稱觀使田務督責須勤劬農非耕稼何所事勸
至無勸將何趨一和繆韞良有謂場蜥滿盎真無辜

我初聞言顏已厚食不下咽心為瘡憑軾歸時長嘆
息欲對時人意先屈因思漢相問行特燮和恐是三
公職近年氣運例險食忍待湏吏莫倉猝驅車疾去
指前途落日蒼茫下喬木

秋澗先生大全文集卷第八

秋澗先生大全文集卷第九

七言古詩

滹沱流澌行

馮征西傳云世祖自薊馳至饒陽燕婁
亭南渡滹沱入信都王將軍霸稱水堅
可渡處今鼓人指縣東北龍華鄉故河
道曰全渡者即其處也且以饒陽取直
趣異其經鼓縣東界無疑但河自牧國
庚午徙縣南行流問諸父老云今七十
有一年矣春秋鼓聚在今縣西五里廢
城尚在今曰下曲陽者是也至元庚辰
夏余按部是州士子張春卿者請余紀

我初聞言顏已厚食不下咽心為瘡憑軾歸時長嘆
息欲對時人意先屈因思漢相問行特燮和恐是三
公職近年氣運例險食忍待湏吏莫倉猝驅車疾去
指前途落日蒼茫下喬木

秋澗先生大全文集卷第八

秋澗先生大全文集卷第九

七言古詩

滹沱流澌行

馮征西傳云世祖自薊馳至饒陽燕婁
亭南渡滹沱入信都王將軍霸稱水堅
可渡處今鼓人指縣東北龍華鄉故河
道曰全渡者即其處也且以饒陽取直
趣異其經鼓縣東界無疑但河自牧國
庚午徙縣南行流問諸父老云今七十
有一年矣春秋鼓聚在今縣西五里廢
城尚在今曰下曲陽者是也至元庚辰
夏余按部是州士子張春卿者請余紀

其事因為賦此

王郎何人著柘黃欲與赤伏爭翱翔漢炎中斷天復
熾肘後頑石胡為光蕭王揮戈指幽薊戰血滿野風
塵蒼募兵返得市人喙當時南馳亦蒼皇鳶鞞城東
潯水長北風烈上天雨霜前驅候騎兩失色河雖流
漸無可舫菟肩麥飯未下咽大冰橫木堅於梁古稱
王者阨不死淮陵一言殆天使赤龍已渡凌四開白
魚踰舟未逾此壇亭王氣如水清妖 邯鄲死灰耳
彼蒼有意開真主固令若輩先驅處君看隴蜀最健
者一旦等蛙終漢虜王即區上安足數蒼茫此日龍
華渡漢上野煙生綠樹留在長河閱世人萬古朝宗
浩東鷺

布穀辭

按部饒陽行次劉楚馬上聞布穀偶得
此辭

寒涼朝雨濕耕隴離上引繩直一聲布穀動前
耒相望竟朝夕良苗芟芟入我鋤結舌深潛綠
陰密田家衣食仰堪興一勤之外初無餘嗚呼禽鳥
司農務勸課之吏當何如

惡鴟行

有鳥不世用其名曰鴟鴞前林崖窟黑飛鳴假狐妖
啄食公私間遼野為蕭條嬉飽摩高空遠觀聳盤鵬
不憂穴破老妖死惡聲向人恣喧囂正為腐鼠嚇有
鬚無迺撩病鶻困孤擊霜秋此其朝我病非苦飢我

困非為調跣上垂兩翅坐使窺雲霄老拳固有利不利搏逐之志常超遙倘不與之護返為物所恍主人一呼良未報不緣自獵矜風標會當攫大惡併驅若類直出六合分鸞象錦鞬脫落青絲條

鴻雁歌

膠船幸脫長河津朔風慘慘吹兵塵天摧地圯井峪易骨肉離散如驚麋吾宗積德僅不死有淚空洒天街雲歛傳伯姊落斥漳女固有行遠弟昆怙恃既失寧復得見女娉如見親最虞身在墮羈縶彼此契闊尤酸辛裹糧物色不憚遠西走懷洛東羸秦眼穿足繭幾万里歲月荏苒三十年竭耒古鄆天假便鴻雁遽接秋風群相看喜極淚如雨恍若夢裏招離魂

軒上喜氣溢須句此事希有爭謹聞金鸞詰書五花文紫藤肩輿繡羅茵馬君初非羨此樂一念有在明天倫君不見守真祿養殆常事慎矜母奉宜相隣高平王氏觀津馬兩族不顯全親恩更因識姪表宗系衰俗乃爾逢斯人為君濡毫紀孝愛孝使竹帛流清芬

健兒歌贈李裕卿

南來見君喜殊常不為秩滿身精強掌中擎出一珠新大覺門戶生輝光此生抱弄万事足晚景雖迫心無惶頭圓骨緊眉目爽已解顧語呼爹娘阿宜自是樊川秀刺備詩書滿百箱

贈滑州龍教授取新

蜀山相繆鬱蒼七龍君來自西南方馳聲塲屋少年
事筆底秀色翻巴湘滑臺一落三十載冉冉青鬢今
秋霜勅書在手無所得坐老茅屋青衿庠竭來聞君
擅術數万有飛跳天星光方圖據說願蘊奧解我中
熱心違七又聞天人本一致物欲將至先開祥紫垣
昨夜動光彩進賢爽七三台芒書生薄命何足道此
去蒼生得小康

馬天章畫廬山清曉圖

平生愛讀廬山高不識廬山何面目眼中忽墮此山
員万疊蒼煙彭蠡曲江南地卑苦炎蒸暖翠濃嵐氣
多鬱馬卿幼作清曉圖特為十峯濯秋骨恍疑坐我
瀑流下淨盡煩襟貯清淑何當杖履東林游一樽共

吸江水醪

放猿詞

霜林万菓翻朝紅老狙夢到秋巖重幾年胥靡辨兒
劇物失本性心為忡主人誰似俯仰翁放之遠野將
何從封龍雲深洞穴暖東山之西七山東衝煙嘯月
恣汝嬉曉驚無復山人扉歸時物情喜兩適豈為尔
心知不知

田家謠

君不見訖千山頭雀翔集止其所正緣生處樂凍死
不飛去人生重鄉情疇非戀吾土丘壠蓋世守耕鑿
自父祖一旦委之去倉皇事羈旅豈不知朝辭樊廬
空暮宿何人塢身負逋逃名比訣心良苦我本耘田

客挨排為主戶歲無儋石儲日有箕歛聚列肌醫却
眼前瘡肉至無刻瘡愈腐支持非一朝寤至空桂楚
東隣匠色日優游西里征家厭温飮平時皞々等王
民一苦一甘遽如許兩淮悠々田四開差徭不及無
天災比之老稚轉溝壑一飽而死猶春臺水深林茂
魚鳥樂此雖古語為時哀可堪大府督州縣親臨之
官胡為哉我初聞言為嘆息天網恢々疎不失只今
六合混一家此雖遠逝何所適但思逋負洒餘民似
此披耽轉疲極

素馨辭并序

五代漢劉隱女曰素馨死其墓生花甚
香因以女名目之後人削降香作薄株

以此花蒸之及蕪比本品極清遠無濃
重勃鬱之氣顏公仲復謁余試之誠然
作是辭以紀其異

紫檀為屑世所珍降香變體吾未聞漢宮有女號素
君歿而墓花香若薰降檀氣味多濃鬱蒸以素馨清
且淑顏公袖出赤龍鱗入手如游衆香國夜深一炷
雲滿室素馨之魂降鶴骨君不見西施苧蘿山下子
膏沐深宮轉清美一朝吳亡隨范蠡隣女效顰終莫
擬素馨得名從此始

宣和寶墨歌

宣和殿深春晝長老徽宸翰昭回光黑卿入奏少許
可追逐五季參三張猶卑古法出新意万笏細搗和

龍香宮鴉借色翻朝日三十六宮香霧濕鳳飛龍舞
九天來雙影盤上落玄壁流傳人間今幾春顏公得
之知所珍有時一勺試試溪翠研靈麝看玄雲錦囊
舉世為寶玩阿知尤物反玩人以茲過客目有屬重
似連壁輕埃塵龐眉書客秋澗子老不道進技乃伸
右軍筆端有陣法需此甲盾方通神作訝一笑師應
聞

寶鼎歌贈開元僧法恒

僧回來自勾吳天袖携寶鼎心欣然遠遊萬里無長
物愛此古色暈碧玉有烟土華十年不敗齒夾底錚
錚堅比鐵雲雷繞腹走神光兩耳孤撐伸螻屈我
初驚見心魂動老眼增明喜生頰憶在玉堂觀博古
此鼎依稀冠周譜摩挲龍款四十九王自成周徙居
楚細看云是季妘彝享錫臣麥無乃祖君不見殷盤
夏鼎今何有此物區區歷年久供佛沐頭夜壑深一
旦胡為落吾手斯文三代周為郁孔意姬情子素守
嗜心既至開有先夜半燈前負之走僧恒拊掌喜有
歸却恐獅王怒如吼

義俠行

予為王著作劍歌行繼更曰義俠或詢
其所以因為之解曰彼惡貫盈禍及天
下大臣當言天吏得以顯戮而著處心
積慮一旦以計殺之快則快矣終非正
理夫以匹夫之微竊殺生之柄豈非暴

豪邪不謂之俠可乎然大姦大惡凡民
固不慙又以春秋法論亂巨賊子人人
得以誅之不以義與之可乎又且以游
俠言古今若是者不教人如讓之止報
已私軻之劇軀無成較以此舉出于尋
常万也凡人臨小利害尚且顧父母
念妻子慮一歿不當且致後患著之心
孰為不及此哉然所以略不顧籍者正
以義激於衷而奮捐一身為輕為天下
除害為重足見天之降衷仁人義士有
不得自私而已者此著之心也何以明
之事之露著不去自縛詣司敗以至臨

命氣不少挫而視死如歸誠殺身成名
季路仇牧死而不悔者也故以劍歌易
而為義俠云著字子明益都人少沉毅
有膽氣輕財重義不屑小節常為吏不
樂去而從軍後與妖僧高北假行千夫
長婦有此舉死年二十九時至元十九
年壬午歲三月十七日丁丑夜也

君不見悲風瀟灑易水寒荆軻西去不復還狂圖祇
與螫蛛靡至今恨骨埋秦閔又不見豫讓義所激漆
身吞炭人不識劇軀止酬一已思三刺襄衣竟何益
至今冠古無與儔堂上義烈王青州午年辰月丁丑
夜漢元策祕通神謀春坊代作魯西觀卯鼻已禡魯

夷猶袖中金鉞斬禹劔談笑馘取 臣頭九重
天子為動色萬命扳出顛崖幽陂陀燕血濟時雨一
洗六合妖氛收文夫百年等一死 上得其所鴻毛輜
我知精誠耿不滅白虹貫日霜橫秋漸頭不作子胥
怒地下當與龍逢遊長歌落筆增慨慷覺我鬢髮寒
颺颺燈前山鬼忽悲歎鐵面御史君其羞

贈僧芝庵

我吟越難行君在西溪席軒然一笑喜相逢秋水為
神犀揮骨西溪提筆顧余言渠乃芝庵名甚藉下階
揚袂遽別去三載不聞音與迹竭來扣門忽相遇促
膝高談論平昔升堂幾作獅子吼雨花散衣空不濕
近便野水洗心法塔廟龍宮知避敵南游梁園東入
魯所 在英豪多舊識公村吏用衆所稱風土河東見
推碩皇 上仁義昌黎公當時救世心何亟浮屠往還
非一輩例欲加冠嗟莫及芝庵洒落澄觀流我匪潮
陽徒感激歷山風烟春事深七十二泉俱可吟一庵
靜卧挂飛錫布地不羨十黃金只緣萬象森羅妙到
處行窩是賞音

題右相文獻公畫鹿圖

明昌昇平兵四偃帝樂餘閑見 丕顯時從靈囿 嘉
賓復引詞臣事秋獮風流右相東丹孫不為丹青侍
游輦睜焉德業魏文貞下遂物宜隨毘毼泰和行宮
漢五柞榭葉秋山如繡錯鹿鳴不盡君臣歡扈從歸
來雁霞角群遼知擇美蔭遊雅馴似應騶虞作食苹

呼友見天全筆底龍騰驚濯上蒼然角尾千金姿我

拭老眼三見之一至元甲寅年觀王氏所藏公畫卧鹿

二上甲申三月十四日于會就中雪毳何多出恐

孫即律義甫處又觀三鹿圖是當年獻瑞圖

桑灾嘆

穉桑發暮春綠葉光旒旒田家歲計固不常農婦相
桑掃蚕蟻黑霜一夜從天來万樹焦枯遭燎燬令春
緒以海多風剪碎枝條生意靡天孫仰訴錦機空寓
氏倚壇如喪妣蚕生時序三月尾過晚終非應時美
只緣闕飼勤遲生往中乾空滿紙山東自古絲纒
窟大收之年有不熟一婦不蚕天下寒况復例災過
慘酷緼袍雖弊歲可卒所嗟盛陽月陰凝返尔肅府

州文移速於火稍緩申期慮難復不知和氣誰所傷
田野疲忙先被毒部家料勤動正月中省限催嫌不
促老農拊樹漢不已須年乘灾免絲徵楮弊人言此
是前省過但恐已免復徵又似去年秋稅例

入奏行美

聖政而重民急也

君不見燕南饑民行且泣膏澤毛來三百日蚕沙齒
盡木皮空剝未草根充糗食追胥星火縣帖嚴官不
汝憐需稅石人生鄉士孰不戀一殍迫臨那得惜扶
羸載瘠總南逋鵲面為形猶努力比之坐斃不相保
趁熟庶幾延旦夕刑司府解兩虛文道路無言空嘆
息吾

皇德並唐虞聖軫慮斯民期日靖傳聞一介或可相
不問草茅分政柄因思治道責有歸未洽鴻熙臣下
病終豐祿秩即患失又以材疎難仰稱躡而不去噤
無聲老鳳飢鳥同一證西臺入奏沃淵衷蹴踏群癡
開善政盡蠲秋賦出御女百色支供皆省併若稽黃
屋
帝堯心一語又安無不聽万方歡喜聲一概遠過漢
家寬大令三錢斗米說開元二說稅戶除聞大定限
田固是平世法未免區區與民競况今江淮歲入數
不貲經畫有方財恐賸人和天地氣自舒一雨行隨
明詔應老癯扶杖願少留又賴
鴻恩極懸磬西河千里麥青七預賀有年

天子慶

紫藤花歌

并序

癸未歲三月二十八日宋賓客乘澤車
過道宮訪余時庭中紫藤花盛爛若錦
搗道師蕭公邀宋與余坐藤陰下尋友
人張明之亦至酒數行開口笑粲殊適
然也宋因出名紙屬予作字一春天氣
不佳此日頗清潤可愛既援毫覺幽香
馥郁時集筆端放手喜書初不計其工
拙也遂話及樂天夢元九故事予曰二
公雖神交如此恐未若今日之樂術也
若取紫桐詩例賦長句歌之以為他年

林下一段奇事可乎宋曰吾子便可承
當遂率爾而作歌曰

竹宮瑣窗雲霧垂紫藤花發何歲鞋仙家駐景出異
供橫掄桃李無晶輝群蛟奮蟄力猶困鱗鬣不耐淒
風吹天孫夜擲紫霞被滿意下覆須春曦幽禽縮喙
不敢啄因鎖恐泄蒼精機又如王愷紫絲障跨雄關
侈光陸離倒冠落佩衆賓醉臨風零亂千纓縷虬柯
扶踈散蒼翠季倫擊碎珊瑚枝青宮賓客今園綺杖
藜來扣仙人扉遙驚紫艷翻半空造物乃爾爭新奇
君不見香山老居士夢與元九神交馳覺來清吟增
悵望紫桐花下空懷思何如吾儕時燕集對床話久
藤陰移興餘屬我掃牋素爛柯不着山間碁刺簷入

戶要學騰蛟螭鳥歸花落香下來時集毫彩霞人衣
一杯春露助香潤清氣貯滿詩人脾依上青藜厨烟
起好命庖人辦新美炷香供具禱群龍莫學癡藤蟠
未已燕南飢民飢欲死

聽馬姬彈明妃行

踈簾映閣春晝晴篆香一線浮雲縈主人娛賓出雅
樂疑是雪江一派分得岷峨清當窻初調逸餘響大
絃琅然小者音冷上衣冠四顧靜且好漸覺指頭淅
瀝風沙驚自云明妃出塞引當時去國難為情黃雲
馬上幾千里昭陽宮殿孤鴻冥琵琶恨絕環珮冷漢
月空照黃昏城千年謾向圖畫見一曲能寫離鸞聲
我非聲學固不解古道古琴誰復聽洋上盈耳紛纂

讀舜廟碑

至元廿年二月七日同劉節使景融由
西園過舜祠入真陽庵觀唐貞元間顏
魯公子頤所書幽州節度使韋稔重修
舜祠碑書畫端莊殊有父風

劉君邀予閑散適行過西園感疇昔來遊長憶至元
初隱上故墻猶竹色半陂春水浸遺臺歲與都人作
寒食綠波乾後燕無泥野粉飄香土華碧相將步入
野人廬求訪貞元虞廟迹我欲遠叫蒼梧雲重華一
去寧復得殘碑不逐劫灰空扶持信有神明力道人
拱手說向予拂拭顏書三嘆息

聚星鳳池硯歌

宋賓客弘道出端硯示予背有七眼題
曰星聚鳳池其狀皆作人目平豎蓋未
嘗見也先生喜翰墨又目疾新愈即得
比硯豈尤物有歸將為文字之祥耶將
洞發神光增雙明於桑榆之境耶喜為
作詩以歌之其詞曰

硯之同功甲與鋌試之敵場惟利堅其或返是奚用
焉嗚呼此硯從何傳墨華猶帶紅雲鮮景星會弁台
有泉鳳池春漲光流淵松風瑟瑟聽磨研君看淚眼
真茫然斷手愛惜猶珠蟻江山秀發駭一世乃今碧
眼開癯仙先生神光還舊觀皎如明月澄秋烟潛心

雖澹開有兆不尔此物胡為前硯園喚起襄陽米走
虺驚蛇見醉顛

贈張道士

大方之家本靜虛天地俯仰真蘧廬鷗鵬氣化分小
大二者角勝相乘除天真所至自行火閻風蓬苑皆
焚如先生超七万里鶴跼踏肯受樊籠拘潛心大易
中有得南華禦寇資譚餘未容飲啄遠難驚歷徧物
表湏人徒紫微二兄老且健一念天頭存斯湏今春
掛囊海子觀此身之外第瓢無鶴鷁何嘗沙水寒心
迹自與間雲俱君不見三茆道士稱博洽當暑講說
方舒徐怪魁適從何處來怒罵似泄仙經樞張鍊師
宜何居談天有舌儘雄辯閱世雖泊寧忘軀神仙近

日足官府道心元與時情踈屨盈鄭圃適為累慎勿
出口他人狙河南秋熟一万里遁身丘壑真良圖少
室山玉華溪紫芝暉七青松肥吾獨胡為坐長飢約
君歸袖風披披

辛夷花歌

樂城七南沙水泚在漢名為新市里中山遊燕此離
宮亭沼當年百花底至今辛夷植縣圃我初來觀欣
細履碧桐為身梅作葉好雨初晴更娟美千年故苑
風土香草木含滋猶泥七每蓬臘畫花已苞滿眼故
家毛穎子宛然白賁挿秦冠載事彤庭紛內史春風
芙蓉散木末紅影亭七失秋水騷人取爾為楣梁託
物豈獨誇芬芳柔姿中有孤潔操首出廢物翻春陽

我因繞樹三嘆息喚起湘纍共一觴

至元癸未夏四月廿五日同獲鹿主簿蓋

義甫同遊封龍上觀宋人碑云昔趙駱元

服之遲老還童白日飛

龍首峰高幾千尺暮雨濯山山更碧我游上觀風日

清手弄寒泉看龜石幽人愛泉說向余藉此岳棲從

自昔駱元真遇事微茫丹素曾傳不死方山林長往

世所有白日仙去誠荒唐祇有徐童花色異秋風開

處滿山香

題桃源圖後

至元癸未夏五月二十日經略史公邀

余樓居燕語仍出桃源古畫二大軸荒

佳筆也公因詢茲事有無其意果云何

者明日賦此詩以呈

君侯示我桃源圖綃素剝裂丹青渝衣冠俎豆三代

古髣髴物色開華胥當時傳記羨樂土序說本未何

敷腹半山歌詠似據實昌黎論列疑其虛千年繪彩

見遺跡桃源之境誠有無君不見淵明千古士心遠

與世踈羲皇而上每自况肯隨澤雉樊籠拘絃歌歸

來朝市改故山田園松菊一無斜川風景固足佳未免

結廬人境車馬時喧呼復讎宣力兩不可天運乃尔

將無如遐觀高舉深意在安得超出物表冥鴻俱因

緣開此武陵說託彼奧隱稱樵漁不然果有繼問津

雲煙出沒何須更又不見山林不外天壤間迴與世

隔皆仙居桃花流水窈然在放浪而即斯人徒放浪而即斯人徒

贈九萬戶

昂藏野鶴誰能馴澤雉雖美終無神一篇秋水江海闊兩袖醉墨雲烟春猿翁學劍事跡秘蘭舌解紛詞調新万事人間歸一喙雙旌燭影見來頻用淮西將劉汙事汙

常為生將交拜大將有人投蜀二枝後常見蜀影在雙旌上出酉陽

嗟嗟住河濱

嗟七往河濱瀕河之患愁殺人虎狼雖暴猶可禦秋水時至其容奔農民家近野河居活計趁種河之淤比年早曠我頗穫餬口之外供王租昨時一雨川澤通黑浪夜捲田廬空畸人何止賦分薄有家舉葬魚

腹中嗚呼山虞虎害水即毀捐瘠斯民老則已

滹沱秋漲行

君不聞蒙莊說秋水兩涘猶見馬與牛今年滹沱水大漲墟落滅七生魚頭雲蒸老雨注万壑上不少止下可憂馮夷不受上所制黑浪怒蹴鼃鼃遊望洋東視誇海若似憤蛙比跳躍井坎秋金行氣肅坎宜縮狂瀾不逐西風收東行我濟小范口水勢森奔方淫流秋禾盡為魚鱉餌廬舍漂蕩迷田疇二年早曠例乏食彼稷幸得逢今秋嗟哉一飯到口角滄沒無望將誰亢河防久廢不復古惟預健治為良籌翻堤決岸勢不已雖有人力誰能謀近年遇災幸無事其或或患徒嗟諏西河農民被災者逃避無所棲林丘夜

深投宿聞聚哭悲聲暗與蟲聲啾

謝安從事見贈放生池碑本

我嗜顏書觀欲徧獨有放生碑未見昨過高齋偶得
之喜氣津_匕 醉吾面安卿捧持即見遺物遇真賞茲
何為掇渠所愛適余願風義矯_匕 非君誰君不見集
古書成叙說長玩而欲老希歐陽最憐苕 溪邊月
一夜分光照客林

紀夢

癸未夏六月十一日夜夢劉使君相過
腰間佩二寶劍解以示予又袖出書一
卷曰此君先世筆也帝色黯慘字類離
堆用朱鈎填若新髹漆者與之語甚洽

劉貌肖河間劉清卿既而為風雨驚覺
間夜漏下三十刻矣

劉使君跨蒼麟翩然而來空際雲腰間寶玦佩兩劍
青蛇躍出光粼_匕 誰為昧_平昔款語情何親復為袖
出先世書一卷帝色黯慘皆奇文大如離堆幾百字
鉤絡朱墨殆似髹漆新殘夢忽隨風雨斷破窓驚聽
怒濤奔

平原行

羯怒驟兵傷濫息天寶之禍將自焚三郎宮中略不
省履霜有戒知何人平原蹇_匕 真王臣沉盧久識幽
營氛泛舟從酒運奇略一日樓櫓驚雲_匕 鐵輦南來
從獵大河朔風靡烟塵昏孤城平地獨與抗勇鼓義

旅爭鯨吞西開土門倚蛇陣南激睢守遮進垠滔天
腥穢思一掃誓與此羯不兩存書生信能立大事竟
掣賊肘西南奔事雖曠代有足感魯公之義世所尊
我來平古增永慨蒼烟草樹連荒闡欲尋遺廟不復
見寶剎留在東方坻栖蓋亭前野日曛平原城下酹
忠魂朝廷何嘗容直道志士蹈難甘捐身此心自視
無愧已一時知否非所論嗟余何者敢跣屣書不
厭裊鷲分當年紀載兩鬼域九泉奄_匕隨埃塵先生
一死固不朽雅操何翅同松筠故應烈日秋霜氣千
古堂_匕凜若神

常山太守歌

天寶之政植禍根明皇宴安如不聞海棠紅嬌荔支

綠玉笛吹滿長安春潼關之車空璘_匕曲江水邊多
麗人羯奴東歸叛意決先以羽獵驅其群朔風万馬
捲遼碣殺氣已慘滹沱垠常山太守臣顏昕聲勢東
合平原軍憤提一旅徇國難捨_匕心手遮橫奔桓_匕
袁侯復何壯傍翼勁翮張其鱗長蛇中擊斬首尾後
掣其肘前行_匕西開土門引義幟再廓宇宙清埃氣
天令完節畀二子漁陽游騎徒紛_匕天津一死有餘
烈夢入帝寢何其神只應千古雷霆氣長與先生洒
怒嗔

負籠行

炎風吹沙高路赫穰_匕羣奔密如織筠籠脩檐不留
行一寸萋藤土膏濕萋藤來自海南陬厥貢不入禹

所收一朝進御列珍品何異草澤加公侯昌黎不須
感二鳥物有時遇非人謀志士何苦身岩幽

秋澗先生大全文集卷第九




秋澗先生大全文集卷第十

七言古詩

華不注歌

齊州山水天下無，灤源之峻華峰孤。秦鞭有力驅不
去，天遣一柱標齊墟。初疑太素女媧氏補天斷手茲
遺餘，又如翠鳳翥郊藪。來應世瑞開昌圖，南山連絡
雖可愛，未免阿拊相承趨。孤撐直上夾石碣，猛視又
似天門。驅度封齊豹，兩元惡。哆嚙猶露雄牙，湏不然
齊太史。寃血凝碧老不渝，化成直筆挿天外。堂上使
表春秋，誅乾坤乃有此雄跨。未許鵲藥爭頭顱，江山
勝概儘軒豁。遠客吟眺增躊躇，李白上天不可呼。雲
烟變化何須臾，後人摹寫觀天巧。百匝空遶青芙蓉。



文章李杜光燄在有詩無詩將何如我思齊晉迭雄
長山靈柱被兵埃汚桓公九合猶霸事三周其下真
誇諛會須扶策凌絕頂望入蒼梧叫帝虞

鈞突泉歌

沈流峻發王屋顛世以獨達神其源不知悍駛勢所
激玉虹那待馮夷鞭狀流渴馬穿歷背海眼洞徹開
龍淵嘗聞棄糠黑灣復此出明見下與地脉相勾連
雲魚吹浪雪濤湧鱗屋擊鼓春雷翻我初來觀冬十
月陰火下煮陽池烟洪濛元氣東山作蒼江屈注倒
景懸少陵撫掌嘆竒絕未若玉塔突起掀睛瀾天機
幻出此怪供欲洒飛雨清塵寰當年小白會水上春
秋見書名不刊吐哉齊晉兩蠻觸千古事往風雲閑

漢家包海歸一統霸氣何有諸侯壇清冷無復軟血
汗虜沸不洗陳恒姦我讀太史書風聲氣習隨山川
齊人閻達多匿智政恐功利為當然安得此泉盡變
作醇酎一醉浩亡還吾天

東坡海南醉歸圖

元祐諸人等圭璧司馬之相國柱石仆碑錮黨無不
至棄若泥沙初不惜當時何有雪堂翁一斤南荒無
復比那知茲遊竒絕神所相海水天容清一色鐵杖
橫秋瘴霧空新詩落筆魚龍泣楓香樹高溪雨濛醉
挽黃衫兩頰紅多隨父老燕同社或喜契順來相從
一朝竟作遷客沒造物未見哀龍鍾豈其中州淑氣
到尔恐終絕故令着此眉山公故令着此眉山公

河冰篇

庚申前三年予以事赴汴次中灤值雪者三日時大河走凌因卧舡蓬間聽河冰拉船而下其聲瑟瑟可愛嘗欲一詩執筆輒罷今日率尔得此殊適然也時至元廿二年秋七月廿一日也

大河凝寒冰走片岸深爭逐盤渦轉沙頭卧扁凍欲僵細憂舡舷聲自顫幽人蓬底聞河清錚錚劍佩相磨鳴如竹軒瀟洒帝半罇醉枕夢破風冷錢塘水樂世所愛求音寂寞將誰聽安得湘妃鼓瑤瑟波間細寫宮商聲朝來賦就河冰篇胸中餘韻猶脩然浮聲切嚮何足異記我深津待渡年

短歌行

君自分携今一紀疇昔四更來夢裏金鞍相值瘦陶南君亦遠回還故里醜顏喜見意眉間欲叙寒暄先称倚君諱也相隨行過縣解西指說民居昔何美邀臨甲第予力辭亦為前征趣行李夢中不悟死生分別后寄聲無棄鄙探囊傾下糶救香送余不到河之梁囑余南去路亦遠持此贈君為裹糧怵然形開無所見落月照屋空微茫蕭蕭春草宮牆綠暮兩梨花寒食曲樽前浩唱意何長轉首先輸光景促我思夢境再目開君侯施也胡為來賦詩非欲徵後事今世死別真堪哀因見故人雖遠猶在當時懷

荒雞行

笏簷月落霜稜匕半夜起聽荒雞聲不知首唱自何處
嗚匕滿城爭亂鳴爾緣氣類司早晏乃今失職能無驚
淒風吹空星斗黑漫匕長夜何時明萬事紛紜每如此
不煩劍舞蹴琨興

龍在田詩

我夢長橋秋水落俯瞰澄淵見蛟鱉絳綃百尺卧彩
虹足尾鱗蒼閃烟壑我因投石起幽潛不待雷轟隨
奮躍神光照野驚在田驤首徐行軒鬣角野人奔看
若雲從洶匕呼聲連寥廓余方闚視女牆間走欲攀
鱗不知却超危如坦略無難剝墮崑梯扣丹閣寶香
佛界幾龍龕万拱千梁金碧錯恍然夢覺聽夜漏四
鼓將闌更五作因車夢蓋此何因無乃吉徵先我覺

龍為乾陽主善幻既見木田德施博乘高臨下近清
光雖險當前無所過行穿崑閭得金界動止其間為
善樂援毫億度兼記時仲冬辛卯之久歲在噩

讀五代史記作古樂府五首

楊柳枝辭

唐昭宗天復三年梁王温辭歸鎮留宴
壽春殿又餞於延喜樓上臨軒泣別因
賜楊柳枝辭今亡乃為補作

楊柳枝風吹何裊匕暖烟如織綠絲柔延喜樓前春
色好臨軒奏曲送行頻梁王重有回天勳一忠之外
何復云安得高祖太宗之業如柳新

檀栾歌

汎樓舡下淮浦百萬貔貅歌且舞不殺降不掠虜吾
君弔伐真湯武爾檀耒不欺汝皞皞王風樂吾土

椒蘭怨

昭皇迨東遷望絕忠臣援堂上雁門兵祇足速禍變
帝酣長星杯醉魄迷椒殿神龍失水机上肉惡菓啄
門夜漏半龍興赤霧天為紅一竈三百皆皇宗唐家
大業至此盡自古亡國未有若此之哀恫梁王歸罪
將誰始奴輩雖誅天有在金祥殿空殺氣高賤珪白
刃專相待

汜水行

王季權在兵逆順係財賄同光當宁能幾朝牝雞司
晨傾內外添都買宴物山積盡入掖庭充內費君王

政荒優宦狎將相無辜恣誅殺蜀資百萬賊所徼縱
有其能供近渴一夫夜呼汜水東絳霄樓頭兵反攻
雍陵竟墮所好死英武香逐仙音空先皇有識如相
問三矢雖還未克終

劉山人歌

劉山人黃鬚模糊衣袖褻著囊藥笈手自携親詣宮
門未省女將軍物色不少差其柰后方爭寵嫵被駟
吾父已兵死何物田翁來屏汚椒房恩遇望遂空破
帽東歸心痛楚長吁行念樂天歌不重生男重生女
此事到吾為妄語嗚呼吾季皆天民人倫濁亂踈反
親當時幸盜同一氣天理何有劉山人劉山人莫悲
泣伎方終老固賤貧却免誅夷為外戚

後飼牛辭

春半我田耕未辦兒童休稱牛力緩自冬皂養日已
久當用猶贏功有間吾令勗汝也則聞朝昏飲食無
過勤兩家計口三百指一飽入手皆渠身三公投筆
當歸畝况我本是蓬蒿人微茫烟雨孤村底思與天
隨作近隣

春寒曲

家居對病妻書空吐怪事人生百歲能幾時風雨憂
愁還半是一春寒克中傷人紅朋碧友潛酸辛今朝
晴暖烏鵲喜寒食數日無多春脫中自漉牀頭釀待
與東皇共一樽

驅狼行

隔溪衆號呼驚視驅而狼竄伏草莽間毛色隨蒼茫
此物胡為來顧眄何揚也我觀五行書據理論灾祥
吏貪政暴狼嚙人此說聞自蔡邕與京房近傳共縣
東殺人食路傍獸威孰擅恐自爾竿不獨刃良弓藏
又云村墟去山迹群行獵食為尋常豺狼當路古所
畏野獸走壙何庸傷君不見漢家良吏龔與黃當年
異績何章也嘉禾朱草滿郊藪麒麟鳳鳥爭翱翔

寶鴨歌

天雨新晴秋氣肅時秋霖晴霽晴用寶誼秘書近住
城西曲入門坐定有餘清既領玄談出奇物翩然寶
鴨立玉洲儘著龍香貯脩腹麝煤融液湏吏間藍田
春暖煙生玉引亢不惜吐氤氳要徹天心穿月窟漢

宮豈數博山高晉恢休談鵲尾禿劉著作勿輕出長
慮王孫金彈九醉中疑似來相觸

漢宣帝幸池陽宮圖

武皇雄吞老者已歲七開邊兵四起嫖姚出塞屢策
勲武繫陵降終國耻騰凌蹂藉五十年響功歸到曾
孫宣萬方解辦盡內屬龍庭南北無烽煙池陽五柞
郊歌裏五日賜酺餘燕喜呼韓稽顙謂甘泉欲示雄
誇先就邛大陳還縱萬人觀豈獨瓊奇紛錦綺歡呼
歸作北庭藩万代稱觴甥舅禮君王燕犒不知勞鸞
旗直上中渭橋茂陵王氣如水清建章宮殿春雲高
從此臨軒舒化日一聲宮漏出花遙

入奏行送右丞史侯

十年不見汾陽面萬里朝
天來海甸神鋒照眼倚青冥黃色充庭明羽扇張燈
開宴見談噓慘澹風雲餘百戰嚮來作牧與開府總
道臨機能制變漢家六合頓宏綱民事正煩真空便
只緣報國忠義炯幾度思綸回眷眷我識君侯禮數
寬德威無地不交驩此行入見想膚奏大計不出兵
民安兵民安古人念此良為難因思先相台衡日退
食歸來事簡編

送雪堂南行

雪堂矯矯僧中英今年遠作餘杭行竭來過衛首謁
余特以贈言為寵榮君不見韓潮陽昔交僧縱暢與
澄詠歌序別欲傾倒祗以文雅為推稱不似阿師高

義炯安飛花雨到南溟

樂間老人歌

奴哥總管姓柏德名繼昌以小字行蓋
灞陵舊將軍也今閑居鄧下自號樂間
老人聞予名甚喜詢所以襟抱有不期
同而同者千里求詩此意不可辜也因
賦是歌以贈庶幾酒酣耳熱後放聲而
歌之猶足以見故家餘習云

浮生擾擾駒過隙守虜抱囚真可惜晦明光景一月
間開口笑談能幾日一聞未老方是閑已老謀閑何
所及須信閑人是貴人束縛軒裳枯亡客况復筋骸
血氣衰聖有嘉言戒貪得樂閑老人達此理自放間

身樂山水君侯年甫五十踰解官歸卧南陽廬風雲
寤寐鞍馬事錦鞵脫落秋鷹孤飛揚跋扈竟何用此
身健在間為娛大詔掛壁龍在匣追逐弋釣須覓魚
有時逸氣蟠不書猶擬去射南山兔君不見邵平東
陵時何若瓜田心自如後堂種竹前圃蔬月下自理
淵明鋤客來大笑猶有事茶鐺煮月糟立舖古人往
往以樂老此意殆與君相符我今天地亦佚老聞君
此懷良起予何當杖屨與君約江山佳處身岩居半
山喚起浮休仙窪尊一醉傾吾餘風流肯落六客後
吟嘯常作三賢圖醉中為持桓侯鬚君其樂矣歌鳴
鳴

醉道士歌

秋九月二十四日子方曳杖出門有道
士野服揭冠倚立棖下予邀坐階所瞻
目視予者久之曰觀君風骨蓋李唐人
也心事好但蹤跡蹉跎多失事機可惜
可惜雖然得年八十餘數八八後當有
顯擢予言可切記也飲之酒醺然而去
時至元二十四年丁亥歲也因作歌以
紀事其辭曰

門前落葉秋風哀麻衣道士從何來
翛然倚立兩棖下若有所諭心悠哉
我因植杖邀與坐拂拭熊韋堂之階
無言瞪目視余久徐謂風骨真文楷
前生落度晚唐士心事最好無纖埃
所嗟蹤跡多後時勃萃不

顧群兒哈雖然得儒 極廣八八而後
睽星台呼兒沽酒與之飲勸以數行
浮大杯醺然徑去不少顧恍若仙
遇神為開當生所賦諒自知過望
榮顯青黃菑書稱五福壽為至得
到八十真洪崖生平夢異復此
遇晚節無乃其行諧吾看浮世孰
不死我已天篤培其才濁醪麤飯
有餘幸過此以往非予懷君不見
通都與大邑真仙往返時為偕
蒼上雲路望不及為渠更上凌風
臺

雙峯歌

士達察判携手植檜小山見贈願博一
詩為信氏家傳其志殊可嘉也遂賦此
歌并以其山奉還蓋詩非山無以見狀

物之體山非詩無以表處靜之用抑又在彼猶在此之義也

金絲堂前雙檜碧氣幹凌雲三百尺蒼精久墮却灰
寒蟠祇輪圉堅似石枝條已蔭百王芳膏潤猶含三
代澤土花漬嚼又幾年為像為山豈多得君不見召
公甘棠武侯柏特以兩賢為愛惜後人歌詠尚如此
況是東家手親植憶嘗遊魯得餘材入手摩磨三嘆
息信生為予好奇觀携來比視吾家蟠泰山梁木
世仰何翅如到日觀秦觀雙峰間顧瞻巖巖儘足樂
譬彼物有小大聖學俱能全此雖體微道則具終日
儼侍參吾前古人尚行不尚說正可安靜如山然我
今木朽不可雕後來聳壑爭昂霄君家兒子玉雪比

向學說是神超遙還汝山聽我謠仰止茲木思惟喬
學誼本未貴通徹無使磊磊落落徒有拔俗之高標

過宋義墓

予往年東走魏過楚上將軍宋義墓欲
作詩為吊而未暇今日與諸生講讀至
義之本末前後諸儒略不見論說因賦
此篇以發前賢之所未發者

秦兵西來勢莫當群雄假義尊懷王我雖三戶秦可
滅彼姦可搏微者或莫傷將軍乘勢思一掃當時籌
策誠難量項家父子本強暴以謀制勝非渠長義維
去暴失之易一死竟墮貪如狼重瞳子何猖狂只知
帳中奇兵化青血不悟鉅鹿之戰開天亡風雲慘淡

蛇作龍安得即遇隆準翁使我目亂狐裘茸高陽酒
徒號狂客醉中兩眼何其腫攀鱗掉舌總數語兩女
輟洗來趨風英雄有時利不利俛首何限甘長終楚
王店頭土一丘至今草棘荒烟愁我來吊古還一慨
西風黃鳥聲啾啾

中秋吟

中統二年予客上都館于太醫使王宜
之家中秋夜伯祿宣慰携酒相過仝會
者館主王文洎省郎宋庭秀近人來索
舊賦亂道今亡之矣因追作是詩以寄
二年中秋客溧陽灤江陸海天中央秋風吹空一
里誰復斫桂增清光平分秋氣無少陂但覺霜露非

尋常玉繩滅沒澹鷓鴣衆宿何有爭光芒烟霄幸附
應時翼佳節共下今霄堂鳳池鳴佩有餘暇白兔搗
藥秋正香故人携酒喜見過慰我久客同一觴謫仙
杯杓思浩々芙蓉城闕天茫茫眼中賓主侯與宋胡
牀更對墻東王九迂初不羨時貴一醉徑入無何鄉
人生相逢貴適意浮世聚散真參商當時少陵客愛
國心違々夜深飲散卧不寐醉聽金鑰鑿倉琅夜如
何其夜未艾披衣顛倒尋封章只今潦倒百事廢感
嘆歲月徒悲傷書來索詩叙往事盛集難再須揄揚
興來追作固狂斐念君久要曾不忘鄭重西樓花上
月金波重約醉秋涼

花工王氏歌

城南劉郎携斗酒與客來
參秋澗叟當隅踞縮不敢
坐王姓珪名三十九平生
有技真可人好箇春風接
花手木翁奪秀孕黃婆轉
眼紅朋栖碧友劉郎秀春
趣已成往上豪家闢招誘
王生本出方技家品味神
經無不有流芳轉入百花
香豈此橐駝法堪取只今
家住圃田西小橋流水遮
高柳會邀一醉百花堂要
藉我書傳不朽我自東歸
今五年小園栽種期幽妍
城中糞壤雜瓦礫雖有美
植何由蕃結根失所固可
惜異品奚獨冰霜纏君不
見芳蘭種不生惡草剪不
去此事人間自古門園子
聽予語本根或撥非所
宜一接千金戒輕典

河圖篇答明伯學官

河龍負圖自崑崙包義畫
出乾與坤聖昌拘幽演餘
蘊六十四卦相氤氲姬情
孔思本傳註行簡列出尊
皇墳經從東漢亂古制綴
合爻象為全文韓康輔嗣
轉轂雜操以莊老何紛紜
東萊探賸復古定太極既
判二氣終然分女媧撫掌
為驚絕天地再位開玄根
易包万象無不至若以一
爻為一事其道反局不伸
考亭專以筮為主豈非天
道似遠人事親當時厄火
燎九地不爾亦墮秦坑屯
君緘越本遠見贈老眼一
洗空花昏細披五贊得要
妙餘作孰敢光爭新君不
見行達市免具此理桶氏
有見為伊訢作詩寄謝君
應聞

風字瓦研歌示陳生